

青州府志
(嘉靖)
三

青州府志卷之十一

兵防

夫五材並用四時必習雖其盛世孰能違之易稱
除器書紀詰戎厥慮淵矣青郡控制海岱翊拱京
畿星屯棊置綱舉目張成式具在治恬化嬉兵防
是志戒不虞昭文德也

按察分司

在府治南

奉

敕整飭青州兵備山東按察

司副使之署

國朝

正德五年兵備僉事牛鸞建

嘉靖二十五年孟淮修中爲正堂左爲寅賓館後

兵方

三十一

爲川堂堂之後爲書吏舍西北爲宅宅南爲治本
堂又西爲園亭正堂南爲儀門左右列廊房前爲
大門又前爲海岱肅清坊東爲府衛館又東爲射
圃西爲縣館先是

國朝

洪武初立益都衛三年

改青州都指揮使司十九年遷於濟南遂爲山東
都指揮使司青州立左右二衛永樂四年移右衛
戍德州後因礦盜竊發設守備指揮一員領 敕
備禦正德五年流賊猖獗乃革守備設兵備僉事
自牛鸞始嘉靖三十年撫按疏請副使蒞之專

敕彈壓自牟朝宗始迄今蒞任者凡十有五人

牛鸞

字鳴世直隸獻縣人由戊辰進士先知鉅野
後調益都正德五年以禦流賊功陞山東僉
事兵備青州
後陞副使

李崧祥

字時望直隸貴池人由
甲戌進士嘉靖四年任

張幾

字知幾陝西藍屋人由
甲戌進士嘉靖七年任

康天爵

字汝修山西臨汾人由
癸未進士嘉靖十年任

沈澧

字文蘭浙江山陰人由癸
未進士嘉靖十五年任

辛珍

字元玉陝西耀州人由
舉人嘉靖二十二年任

孟淮

字豫川河南祥符人由戊戌進士嘉靖二十
三年任陞四川叅議歷陞右副都御史巡撫

子已

言少及二卷一

二

山西仕終調

應天府尹

陳儒

字汝宗錦衣衛籍由癸未進士嘉靖二十五

吳元璧

字君錫江西安仁人由戊戌進士

牟朝宗

字于海四川宜賓人由乙未進士嘉靖三

商廷試

字汝明浙江會稽人由辛丑進士嘉

王世貞

字元美直隸太倉州人由丁未

劉櫨

字元美浙江山陰人由甲辰進士嘉靖

劉應時

字子易山西洪洞人由丁未進士嘉靖四

秦鈺

字鳴和浙江慈谿人由庚戌進士

嘉靖四十四年任

王世貞撰題名記

青州故無兵備道有之自獻牛

武皇帝中大盜彥名等以數萬騎臨濟上三周華
不注焉東而躋淄澠之交牛公從子弟亡命力戰
却之於是奉璽書超按察僉事治兵青州屬州
邑十四益以濟南之淄長萊新爲州邑大小十八
又得以考功法課諸吏論死罪以下者牛公治之
久遷副使最有聲其後代牛公者或以副使以僉
事所奉秩輕重有間其於兵備職自如即稱使可
十餘人專以彈壓盜賊然盜後先亦十餘發發轍
與使相低昂而期甚至以跳梁聞上勞白虎節
則安用是使爲也說者言青與鄰國最號難治都
會之間其民不辨穀麥本而務以鮮衣怒馬相勝
鳴瑟粘屐六博蹋鞠如季子之稱齊哉即野負山
鑄山負海煮海大豪驚然按中猾佐而驅使民威
重於使且謂使孰與我大也民之聽豪也便於聽
使然俗又好任俠慨不快意以軀借交報仇藏命
作姦剽攻禦倣鑄錢掘塚固人人少年翁伯也使

者業以枉後惠文彈治之固當無擾獄市一言耳
乎陽侯胡以得化諸能為齊言者古之人奉寬寬
理奉嚴嚴辨是數君子寧盡不古若也漢世守得
以一切便宜破法錢穀兵甲從意調興所論死朝
上夕報可甚或立決乃上今雖謬稱貴重於守禁
網叢密蝟察虎視一不相中文法吏得以其職伺
之其他干陬察淵蟠腹版築中丞之辟司徒銳司
徒耳奉牘而讞頌首聽裁待御之廷尉史耳舉翮
觸偶動若籠鳥乃欲以區區下筴偃然蹻跂之上
責漢治明法不亦大相縣左哉雖然賢者不以小
廢志智者不以困廢才夫因事而就功趣時而見
長則數君子者誠饒為之也世貞既待罪且三載
乃得以燕從諸父老及薦紳先生質所難諸父老
薦紳先生間以數君子政稱者其姓氏或闕焉用
是大懼采而勒諸石為之記使有存耳至所謂某
也賢某也否一字袞袞史氏職也即世貞焉敢以
不肖身辱數君子
後而易言之哉

統轄府一州一縣一十有七
青州府莒州益都臨淄博興高苑樂安壽

光昌樂臨朐安丘諸城蒙陰沂水日照
衛二
青州左衛安東

衛所一十有一
所諸城守禦千戶所安東衛三所

莒州守禦千戶所
巡檢司一十有三
高家港廣陵鎮穆陵

關南龍灣信陽鎮紫金關葛
兵仗局
在城東門內貯頒降軍器

溝店十字路夾倉鎮上四莊
盛甲腰刀滾刀鑲鐵刀長鎗弓箭推牌旁牌鐵腿

碗口銃蓋口銃手把銃震天雷鐵砲磁砲信砲仙

人砲飛鎗火鎗神機

箭螺螄箭將軍砲

演武場
在東門外兵備中為閱武堂副使王世貞

記
日出青東門折而南可一里為菟地地可容萬人其陽有臺据而堂之三楹曰閱武日久圯廢

且甚世貞視事之再閱歲乃始屯嘉肺之羨繙鳩
工廓其楹爲五更治臺於後峻加堂之半堂成世
貞乃以間從吏士出勒騎射鼓之駟鐵乘黃不說
介而馳磬控若翼縱送若組鬻爭的者以千計的
之發以植其叢矢以蝟二矛重喬左旋右抽聚爲
鄧林覆之疑水厚霜盤踊電激卻戔風雨鏊鏹之
戟指空而擲要眇俯身接之捷於猿猴刀盾曳札
銛接不及毫末目無逃挫賈其餘彊搏人以嬉斯
不亦擊技之雄也耶雖然孫卿子曰齊之擊技不
足以當桓文之節制夫桓固而齊之先君也當桓
時楚乘廣雄於江漢折鈎之喙足以當九鼎焉而
不憚驪山之孽狄實跳梁以夷衛城社褻公靡罷
之燼桓寔因之至大匡管氏之法亦不過取士於
軌里連鄉中軍國高之鼓而已其於法甚淺甚易
然以其燼南過楚北伐山戎中包諸宗侯外撫吳
越邑牂牁不使雕題黑齒六兵車而王室遂莫
不佞即諸吏士業以而車轂擊人肩摩連袂成帷
揮汗成雨毋若先臨淄之途乎哉而所自負冠雄

鷄佩長銖截蛟斷兇殿後攻鋒毋若先疆治綽最
之流乎哉然不能爲縣官出死力擊虜庚辛以來
悉索故賦奉若而北至則盤馬長城之南度警解
輒罷以要大司農金錢柝浦之役有君子六千人
一夜駭廢未曙跡絕以不佞所遣募南者無尺寸
功還報徒令孜孜閱軍籍爲也則縣官奚賴焉見
而之雄於師也未見而之雄於敵也夫惡少子弟
脩小酒食憤奮臂一呼三尋長鉞施頸自若它推
埋發塚鑄山而鑲魚鹽之利又何雄也南矢不能
及大海北矢不能度長城徒以烏合鳥散爲長策
抑又何詩也世貞嘗讀管氏之書蓋有所謂七體
入經五務三度非盡以其施之兵乃所以爲兵本
者詳矣禮義廉耻是謂四維今諸吏士勇私而怯
公也馳小而忘大也母亦爲而師帥者闇昧於道
不預脩四維之訓乎哉其師帥固然乃諸吏士不
務以壯時佐揚先人之休烈而令人舉盜賊之聲
稱冠之齊要亦不善用雄矣不佞竊
以爲諸吏士羞願得脩其職交勉焉

青州左衛

在府城東門內

設官指揮使員一指揮同知員二指

揮僉事

員四

以遷叙至者無定額經歷司經歷知事

各一員

鎮撫司鎮撫

員二

左右中前後五所正副千戶

百戶

各三五員京操軍春班一千四百九十七人秋班二千一百五十五人

守城軍餘七百二十九

人屯田軍餘四百五十三人屯田二百七十一頃屯糧三千二百五十八石

塘頭寨備禦百戶所

在樂安縣東北

隸青州左衛設官百

戶一員守寨軍餘

名百

墩十

公毋堂黃種上泗河舊寨甯墳荆阜課墩官臺甜水河八面河

安東衛

在日照縣南九十里

隸山東都指揮使司設官指揮

使員一同知員二僉事員四經歷司經歷知事各一鎮撫

司鎮撫員二左前後三所正副千戶百戶各三五員京操軍春

班八百四十四人秋班六百三十一人守城軍餘

三百五十八人屯田軍餘三百九十一人屯田一

百四十七頃屯糧一

千七百六十七石

墩一十有三攔頭山雅高山大河口泊風昧蹄溝張洛黑漆石濤洛小皂兒三橋風火

山虎山

石舊寨守禦千戶所即安東衛後千戶所在日照縣之東

墩一十有五南石舊孤耆山溫桑溝北石舊青尼董家釣魚相子泊金線石河古城滕

家湖水本寨西堡董家堡

莒州守禦千戶所

在州城內

隸南京都督府設官正副

千戶

各一員

鎮撫百戶

各一員

吏目

一員京操班軍共六百八十一人守

城軍餘

一百人

守城百戶所三

下屯百戶所七

屯糧

夏麥四百九十三石五斗六升
秋米四百九十三石五斗六升

諸城守禦千戶所

在縣治南

隸山東都指揮使司設官

正副千戶

各一員

鎮撫百戶

各一員

吏目

一員京操班軍春班一百

二十三人

秋班四百二十八人

屯田四十八頃

屯糧五百七十六石

守城軍餘九

十八人

墩四

西大嶺黃石攔
東沙嶺黃石

南龍灣巡檢司

墩三

琅邪臺胡
家陳家貢

夾倉鎮巡檢司

墩四

相家焦家蔡
家三岔口

按衛所抽選內操昉自永樂其輪班入衛歲有
定額則正統己巳之變起也當時餉贏伍斤無
慮匱缺恬熙既久釁弊漸滋郡縣之民避輸畏
役散而之他尚多有之况衛所耶

國家遣繡衣行部清勾日嚴矣頻勾頻逸罔裨
實用歲遠戶湮例得與之銷籍如是而望班伍
無缺固未可以朝夕計也校其多寡罰及統領
降調有差是矣顧其缺也既非一朝一夕之故
則其充也必不可以一朝一夕而集爲今之計
莫若蠲其舊逋與之更始按籍核數各以實聞
後此有缺必罰無赦而又以其官差等之何者
什伍尺籍上統其綱下悉其目司之知軍也不
如衛而衛之知軍又孰切于所若干夫長若百

夫長親軍者也行伍亡缺各有專責某軍某所也某軍某所也非剝即隱耳或調或降按之若例次衛次司各以其罪罪之其招補勾集增丁溢伍歲終計奏最者進級次者犒獎若衛若司亦各以次及焉勢必人人自奮占役刻剝之弊漸革矣若是而餉從其盈役從其簡庶有濟乎不然領班之官有限而缺伍之罰無已數年之後豈直無軍抑且無官矣此尤不可不慮也

按青齊爲京師左輔各衛所官軍分班入衛